

A Kon pa biba segun e lei:

❖ Kon pa Maneha Violensia (Eksodo 21:1-32)

- E kódigo di aliansa ta kuminsá dor di regulá tres aspektonan vital di sosiedat Hebreo:
 - (1) *Sklabitut (Eks. 21:2-11)*: Hòmbernan tabata wòrdu librá despues di e di shete aña. Muhénan, si nan no a kasa, tambe tabata liber. Un homer por keda un esklabo si é skohe esaki.
 - (2) *E penalti(kastigu) di morto (Eks. 21:12-17)*: Pa e matadó intenshonal. Pa esun kende ta heridá òf maldishoná su mayornan. Pa e sekuestradó
 - (3) *Heridanan (Eks. 21:18-32)*: Obligashon di kompensashon finansiero. Si un aborto sosodé, e hues i e muhé (ku su esposo) ta imponé e multa (but).
- Tur e leinan aki ta purba pa frena abusu i violensia entre hende..

❖ Kon pa Biba den Sosiedat (Eksodo 21:33-23:19)

- Dios no tabata kontentu pa simplemente laga nos ku leinan “básiko” i laga nos apliká nan manera nos ta haña ta bon. El a kuida pa proveé pa ehèmpelnan konkreto asina ku nos por apliká nan korektamente.
- E ehèmpelnan aki ta inkluí atakenan di animal-riba-animal (Eks. 21:35-36); prestamentu i hürmentu (Eks. 22:14-15); relashonnan premarital (Eks22:16), etc.
- Énfasis speshal ta wòrdu poné riba proteha esun debil i ekskluí , pero sin duna nan benefisionan inhustu — esei ta, sin pervertí hustisia pa benefisiá òf perhudiká nan. 22:21-23; 23:2-3, 6).
- Siendo un aliansa entre Dios i Su pueblo, e leinan aki tambe ta inkluí e manera den kual nos mester relashoná na djÉ. Añadí na e sosiegunan di Sabat, tabatin e obligashon pa opservá e fiestanan ku ta rekòrdá nos di nos liberashon for di piká, protekshon divino, i e futuro glorioso ku ta spera nos.

❖ Kon pa Haña Viktoria (Eksodo 23:20-33)

- Pakiko Dios no a duna Abraham e tera di e Kananeonan? “ Pasombra e inikidat di e Amoreonan no ta kompleto ainda ” (Gen. 15:16).
- Despues di kuater siglonan di grasia, e Kananeonan no a kambia nan maneranan. Tabata tempu pa duna e tera over na Israel... trankilmente!. 13:17)
- Si Dios a saka nan for di Egipto sin ku nan mester a bringa, a parti e laman na dos, a alimentá nan milagrosamente, i a guia nan ku Su Angel... E lo no por tabata kapas pa duna nan Kanaan sin ku nan lo mester bringa pa esaki?
 - (1) Dios ta bisa Israel kiko pa hasi.
 - (a) Tende Su bos, asina ku Dios lo por ta e enemigu di Su enemigunan (23:21-22)
 - (b) Sirbi solamente Dios, asina ku E lo por kita tur enfermedat (23:24-26)
 - (c) No sera ningun aliansa ku e Kananeonan, asina pa no adorá nan diosnan (23:32-33)
 - (2) Dios ta bisa Israel kiko E ta bai hasi.
 - (a) E lo manda Su Angel pa warda nan i trese nan paden [protekshon]] (23:20)
 - (b) E Angel lo bai nan dilanti i trese nan na Kanaan [direkshon] (23:23)
 - (c) E lo manda terror na e habitantenan (23:27)
 - (d) E lo manda e maribomba pa kore ku nan (23:28)
 - (e) E lo kore ku nan gradualmente (23:29-30)
 - (f) E lo duna nan over na Israel te ora ku nan dominá for di e Mediteraneo te na e Eufrates (23:31)

B Kon pa komprende e lei:

❖ E lei di vengansa (represaya)..

- Ora ku Hesus a duna e Sermon riba e Seru, El a abolí e lei di vengansa (Mat. 5:38-42) ... òf E no a hasié?
- E frase “ boso a tende ku a wòrdu bisá ... pero Ami ta bisa boso ” no a abolí ningun lei (Hesus a huza e mesun frase pa “ lo bo no mata ” òf “ lo bo no kometé adulterio,” pero nunca E tabatin intenshon pa abolí esakinan). En realidat, Hesus semper a ekspandé e Lei, a mehorá esaki, i a dun’é su berdadero nifikashon.
- Nunca tabata e berdadero intenshon di e lei di vengansa ku un persona lo mester pèrdè su wowo òf su man pa a hasi daño na un otro.
- E lei aki a wòrdu formulá ku e intenshon di prevení vengansa, poniendo un fin na peleanan di sanger, i represalia promé ku investigashon. Dañonan mester a wòrdu balotá dor di huesnan, i e ora ei kompensashon monetario apropiado ta wòrdu stablesé i pagá. E praktika aki a lanta pa prevení hende di tuma hustisia den nan propio mannan. Hustisia mester a wòrdu hasí, pero den harmonia ku Dios Su Lei..

❖ Rekompensa i kastigu.

- E deseo pa vengansa ta profundamente pegá den nos. Y semper é ta desproporshoná na e kos robes ku nos a risibí: “ Si el a hasi esaki na mi, ami lo hasi mas na djé.”
- Hesus ta invite nos pa hasi lo kontrario di loke nos ta desea: pa paga malu bèk ku bon (Mat. 5:44). Pesei unda hustisia ta? Ken lo paga e ofensor loke é meresé?
- Dios no ta bisa nos ku e agresor lo no wòrdu kastigá, ni ku ningun akto lo wòrdu vengá. Pero si E ta bisa nos klaramente ku É lo ta e vengador (Rom. 12:19-21).
- Aunke vengansa personal ta wòrdu tolerá den e kódigo di aliansa, esaki a wòrdu frená dor di krea un sistema hudisial pa prevení abusu (Eks. 21:12-13, 22; 22:8-9).
- Ningun hende pa asumí simultáneamente e ròl di un hues, hurado, i burdugu. Si kastigu mester wòrdu imponé, esaki mester wòrdu hasí pa medio di un proseso hudisial hustu. Y Kristu lo ta e Hues supremo i final.